

**Zeitschrift:** Igl Ischi : organ della Romania (Societat de Students Romontschs)  
**Herausgeber:** Romania (Societat de Students Romontschs)  
**Band:** 13 (1911)

**Rubrik:** Rapport sur la redunonza della Romania de 1911 a Glion

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 02.04.2026

**ETH-Bibliothek Zürich, E-Periodica, <https://www.e-periodica.ch>**



# Rapport

## sur la redunonza della Romania de 1911 a Glion.

Cun igl onn dudisch dil vegnavel tschentaner sesarva, tras la construcziun della viafier retica, per la vallada dil Rein anteriur ina nova sfera per il svilup social ed economic.. Ins tegn cheutras pass cul temps modern. Gleut che lessen serebalzar encunter tals progress moderns astgass ins numnar, «naschi in miez-tschentaner memia tard.» La veglia verdat, che stagnaziun munti digren, ha era la Romania priu a pèz — per far in sanadeivel pass anavon. Nus manegein cheutras la nova organisaziun cun nossa annuala redunonza populara. La devisa primara, ch' ils fundaturs della Romania han dau a quella, ei restada intacta; solettamein la via per realisar ella, ei semidada. Dacheudenvi sedi ei: *Pil pievel, cul pievel.*

L'emprema redunonza sut la nova organisaziun a Sumvitg ha anflau unanima cuntentientscha. Era la suondonta redunonza della emprema do-

mengia de Settember 1911 a Glion meretta quei laud.

Las tractandas officialas eran per la pli gronda part de natira organisatorica. — Tenor il rapport de quen de nies premurau cassier Sgr. scolast B. Giger possedein nus oz in saldo activ de datier de 700 fr. — In bi progress material, essend che anno 1907 mussava nossa cassa aunc in deficit de 100 fr.

Gest quei «bene» q. v. d. l' applicaziun della facultat de nossa Romania tier ina eventuala sli-giaziun ne interrupziun stueva vegnir indicada tras in statut. Il resultat final ton de quella damonda, sco las statutas redigidas anfla il stimau lectur en questa annada. —

Udend, che la fossa de nies grond poet romontsch prof. G. H. Muoth el senteri de Cuera porti aunc negin vengonz monument, ha la Romania concludiu, d' ademplir quell' ovra de pietat ed ereger ina tala commensurada memoria sin sia fossa. Ils relativs quosts deigien vegnir cuvretgs sin via de subscripziun ed ord cassa de societad.

En la prestonza per 1911/12 ein elegi:

Christoffel Cathomas, med. Trun, president.

Oscar Desax, med. Trun, vicepresidente.

Albert Spescha, scolast, Andiast, actuar.

Plinavon plevon G. Caninada e Dr. G. Willi.

Per 1912 ei la redunonza fixada a Surmir, cun surschar la destinaziun dil liug al comite.

Il tren de miezdi ha portau a nus ils amitgs de sut ensi ed aschia ha in respectabel diember commembers saviu serender tier la redunonza populara en casa de scola. — Suenter in quort plaid dil president della Romania, che beneventescha il numerus pievel, engrazia a nies capavel e premurau redactur Sgr. Dr. Tuor per sias breigias e success per la Romania, gratulescha a Sgr. Jos. Condrau sin siu giubileum d'argien sco redactur della Gas Rom. ed engrazia per ses merets per la prosperaziun digl «Ischi», pren Sgr. prof. Lombriser il plaid, per siu referat: «Archiprèt Rusca e la dertgira nauscha de Tusaun.»

Il Sgr. referent ha absolviu siu pensum bein empau delicats sin ina moda nobla e gesta, capeivla ed instructiva per mintgin. El saveva tras-atras sepusar sin agens serius studis, ils quals vegnan a dar a sia lavur ina gronda valeta scientifica, cura ch' ella compara en squetsch. Era cheu ad el nies meglier engraziament.

Tier la suondonta redunonza libra era la sala digl Oberalp fulenada. Pur e student, mistergner e docter sesevan e cantavan ensemen — in bi maletg dil ver pievel democratic-romontsch. Il redactur digl Ischi, Sgr. Dr. Tuor, pren cheu il plaid tier in animau hymnus sin la viarva romontscha, che vegneva da cor e mava a cor. — Era Sgr. prof. Dr. Cahannes pren il plaid tier in

serius apell ded adina vuler esser e restar romontschs, e mai snegar sia atgna natura! —

Il glendisdis laghiava gia tras las fenestras della sala en la Cruna che zaconts stateivels Romans discurevan e sedivertevan aunc sper igl excellent veltliner — sco nos babuns. Summa summarum: la fiasta a Glion ha cuntentau ils cuntents e viva la proxima redunonza en Surses! D.

### Rapport finanziel 1911.

|                                 |                   |
|---------------------------------|-------------------|
| Facultat de 1909/10 . . .       | 629 fr. 60        |
| Avanzament de 1910/11 . . .     | 25 „ 85           |
| Total facultat Sett. 1911 . . . | <u>655 fr. 45</u> |

(Deponi el libret de spargn Nr. 95423 della Banca cant.)

